

F. AGIR EN CAS DA SINGULARITADS DAL CUMPORTAMENT EN SCOLA

MANADRAS E MANADERS DAL CURS

Docentas e docents da la scola auta da pedagogia curativa a Turitg (HfH): las manadras ed ils manaders dal curs vegnan engaschads da cas a cas ed en enclegientscha cun la HfH. Arianna Guerini, lic. phil., docente da pedagogia SAPGR (per curs per il Grischun talian; curs d'approfondaziun sin dumonda)

TEMA DAL CURS

I vegn discutà, co che disturbis da l'instrucziun pon vegnir analisads e co che la persuna d'instrucziun po reagir sin els en moda situativa ed adeguata. Sin basa d'ina enclegientscha sistemica vegnan elavuradas tecnicas per ir enturn cun scolaras e cun scolars ch'èn difficils e che han in cumportament extraordinari sco er per ir enturn cun differents fenomens da conflict. Il team da scola fa in concept per vegnir a frida cun problems disciplinars e cun conflicts.

Il curs cumpiglia ina part da basa davart il tema "**Singularitads dal cumportament**" sco er ina part d'accent che po vegnir tschernida libramain. Sch'il curs cun differentas parts d'accent vegn prendì pliras giadas, vegn – a partir dal segund curs – elavurada mintgamai ina survista dal tema "Tge far en cas da singularitads dal cumportament?" en la part da basa. Ils suandants **accents** pon vegnir tschernids:

A Autoritad tras relaziun e tras ina comunicaziun senza violenza

I vegn preschentà in model per refar la preschientscha professiunala da la persuna d'instrucziun.

Persunas d'instrucziun duain pudair chattar soluziuns constructivas per andaments destructivs p.ex. cun manar la classa. Disturbis da l'instrucziun e dumondas dal mintgadi da scola vegnan discutads ed i vegnan svilupadas propostas ch'èn vegnidas elavuradas cun tgira e cun las qualas ina "autoritad tras relaziun" po vegnir cuntanschida.

B Propostas orientadas a la soluziun e tractament da conflicts

L'atgna moda e maniera d'agir en situaziuns da conflict vegn tematisada sco punct da partenza per in pensar e per in agir orientà a la soluziun en situaziuns difficilas. I vegn exercità da sa metter sin in puntg da vista nov, sa fatschentond cun scolaras difficilas e cun scolars difficils. I vegnan preschentadas strategias per schliar problems da cumportament che vegnan alura empruvadas e reflectadas vi d'exempels concrets.

C Problems disciplinars, manar ina classa

I vegn tematisada l'influenza da la moda da manar ina classa sin l'attenziun da las scolaras e dals scolars. I vegnan preschentadas pussaivladads per prevegnir a cas da problems disciplinars e per intervegnir en cas da tals problems. A maun da cas concrets vegnan analisadas ed elavuradas situaziuns difficilas da l'instrucziun.

FINAMIRAS DA L'INSTRUCZIUN

Finamiras fundamentalas:

- > La participantas ed ils participants enconuschan ils princips da la prevenziun e da l'intervenziun, en cas che l'instrucziun vegn disturbada.
- > Ellas ed els enconuschan e san applitgar las strategias per dumagnar conflicts.
- > Ellas ed els enconuschan e san applitgar metodos per vegnir a frida cun differents fenomens da conflict (violenza, problems disciplinars, negligentscha).

Finamiras specificas da l'accent tschernì:

- A: pudair trair a niz la cumparsa persunala da la persuna d'instrucziun sco med per manar ina classa
percepir la responsabladad sco persuna d'instrucziun ed acceptar la rolla da l'uffant metter ina fin ad in cumportament destructiv e dissocial senza provocar in'escalaziun
- B: emprender ad enconuscher propostas orientadas a la soluziun en il tractament da conflicts
emprender a reflectar l'atgna moda d'agir en situaziuns difficilas
savair reponderar las supposiziuns davart la naschienscha e davart la schliaziun da problems
- C: savair metter en dumonda cun egl critic l'atgna moda e maniera da manar ina classa
savair analisar ed elavurar situaziuns difficilas en l'instrucziun
enconuscher e savair realisar pussaivladads da prevenziun e d'intervenziun

DURADA DAL CURS: MINTGAMAI 1 DI

CUSTS

Curs per 12 fin 25 participantas e participants; 1 manadra u manader dal curs fr. 2'480.00

Curs per 26 fin 50 participantas e participants; 2 manadras u manaders dal curs en co-teaching
fr. 4'720.00

Ils custs per la furmaziun continuada interna vegnan surpigliads dal chantun. La permissiun da l'inspecturat è a medem temp la garanzia ch'ils custs vegnan surpigliads cumplainamain. Il quint vegn scuntrà directamain tranter la SAPGR ed il USS.

CONTACT

Scola auta da pedagogia dal Grischun

Tanja Jud, collavuratura scientifica per la furmaziun continuada, tel. 081 354 03 44 (gli – me);

tanja.jud@phgr.ch

As annunzia per plaschair uschè baud sco pussaivel, il pli tard 3 mais avant il termin da realisaziun giavischà.